

## VI. SAN ANTON BIRA Getariako itsas zeharkaldia.

### **SARRERA**

Getariak kostarekin duen harremana ez da atzo goizekoa. Horren adibide da San Anton mendian dagoen Katxapo talaia sistema, Erdi Arotik aurrera baleak ikuskatzeko erabilitakoa. Gure arbasoen jarduera ekonomiko hura irudikatu eta handik osorik ikuskatu ahaliko den igeriketa zeharkaldi antolatuko du aurten ere Getaitri Triatloi Klubak.

VI. San Anton Birak izen bereko penintsula inguratuko du. 2019an eginiko lehen edizioari jarraipena emanez, Gipuzkoako itsas zeharkaldien artean finkatu den froga da.

Oraindik ere sarri herriko arrantzaleek egiten duten gisan, sartaldetik sortalderako bidea egingo du zeharkaldiak. Gaztetapen izango du abiapuntua, Malkorben amaitzeko. Herriko bi hondartza nagusiak batuko ditu hala, eta hori izango du pizgarririk nabarmenena. Ez, ordea, bakarra. Bidean, getariarren hiztegi intimoeneko bi hitz kutunen esanahia bere egingo du parte-hartzaileak: kresala, eta harraldea. Gure nortasuna zertu duten bi ezaugarri horiek bide osoan zehar izango dute presentzia, zeharkaldiari Getariaren esentzia osoa emanaz. Halaber, lasterketak oldarretik barera egingo du, ur handitan ibili ostean lehorreratzten diren arrantzaleak bezala, Malkorbe barean amaitzeko.





## ***PROBAREN DATUAK***

### **Eguna:**

2025/07/20, igandea.

### **Ordutegia eta ibilbidea:**

Probari goizeko 10:00tan emango zaio hasiera Gaztetape hondartzatik, eta 2.600 m. egin ondoren, Malkorbeko hondartzan amaituko da.

Partaideen erantzukizuna izango da adierazitako orduan irteera-puntuari egotea, epaileek zeharkaldiari hasiera ematen dioten unean.

### **Antolatzaileak:**

GETAITRI Triatloi Kluba.

### **Erakunde laguntzailea:**

Getariako Udala

### **Izen-emateak:**

Internetez bakarrik, [kronoak.com](https://www.kronoak.com) webgunean.

Izen-emateko epea 2025ko ekainaren 16an zabalduko da, 10:00etan, eta 2025ko uztailaren 16an itxiko da 23:59an, edota plaza guztiak betetzen direnean (300 parte-hartzaile gehienez).

Izen-emate epea amaitzean edo partaide kopurua betetzen denean ez da egongo itxaron zerrendarik.

San Anton Bira itsas zeharkaldian izena emateko garaian, absolutu mailako igerilari bakoitzak datu pertsonalez gain, 2024an San Anton Biran edo azken hiru urteetan (2022, 2023 edo 2024) Getaria-Zarautz itsas zeharkaldian egindako denborarik onena egiaztatu beharko du.

Antolakuntza batzordeak ahalmena izango du egiaztagiri horiek balioztatzeko edo ez balioztatzeko eta irteera taldeak beharren arabera osatzeko, beti ere, beharren arabera

eta igerilarien segurtasuna bermatuz. Aldi berean, antolakuntza batzordeak izena emandako partaideekiko onespene eskubidea izango du.

### **Prezioa:**

Bi tarifa desberdin egongo dira izen-emate dataren arabera:

- 35€ ekainaren 16 eta uztailaren 10 bitartean egiten diren izen emateentzat, bi datak barne.
- 40€ uztailaren 11a baino beranduago egiten diren izen emateentzat, izen emateak bukatu arte.

**Dortsalak jasotzea:**

Dortsalak probaren egunean jaso ahal izango dira, 08:00etatik 9:30era, helmuga-eremuan, Gurutze Gorri aurreko Kontsignan.

## **SAN ANTON BIRA ZEHARKALDIAREN IBILBIDEA**

Irteera Gaztetape hondartzan izango da, eta San Anton mendiaren ertzetik joango dira igerilariak. Ibilbide guztia buia bidez seinaleztatuta egongo da. Igerilariak guztiak euren eskuinetara utzi beharko dituzte. Izarri punta gainditu ondoren, Masoparri aldera bideratuko dira eta handik moiako dikeak inguratzen, azkenik Malkorbe hondartza erdian kokaturiko helmugara arte.

*DISTANTZIA: 2.600m*



## **IRTEERA**

Irteera 10:00tan izango da gaztetape hondartzatik eta ziurrenik irteera bakarra izango dugula, denok batera.

Hala ere, denboren arabera irteera baloratuko da.

## **HELMUGA**

Helmuga Malkorbe hondartza erdian egongo da eta bertatik Gurutze Gorri aldera bideratuko dira partaideak.

Ikusleek aukera bikaina izango dute froga jarraitzeko. Lehendabiziko zatia hondartza, nahiz Viveros San Anton aurrean kokaturiko dikeko pasealekutik, Ketarriraino. San Anton mendiko zeharkaldia bertara igota ikusi ahalko da ondoen (Katxapo edo itsasargiaren azpiko behatokitik). Behin Masoparri punta gaindituta, San Anton mendiko bidetik eta dike ezberdinetako goiko espaloietatik igerilariak helmugaraino ikusi ahalko dira. Probaren amaiera primeran ikustatuko da Malkorbe hondartza ingurutik, Artzapetik eta Katrapona plazatik.

## **KONTSIGNA (ARROPAZAINDEGIA)**

Probaren helmuga inguruan kokaturik egongo da. Gurutze Gorriaren eraikinaren parean.

- Bertan banatuko dira dortsalak.
- Bertan gordeko dira parte-hartzaileen motxilak.
- Probaren helmuga izateaz gain, haren gune estrategikoa ere izango da: bere inguruan kokatuko da hornidura-gunea eta baita medikuntza-zerbitzua ere (Gurutze Gorria).



## **PARTAIDETZA**

- Absolutua (15 urtetik aurrera)

Adina lehiaketa burutzen den urtean abenduaren 31ean beteko balitu bezala ulertuko da.

## **SARIAK ETA ZOZKETAK**

Garaikurra sailkapeneko lehenengo hiruentzat, emakumezko zein gizonezko mailan.

Garaikurra sailkapeneko lehen getariarrantzat, emakumezko zein gizonezko mailan.


Sari-banaketa 11:30 inguru izango da Gurutze-Gorriaren ondoan.

## **PROBA BERTAN BEHERA UZTEA EDO B PLANA**

Proba bertan behera uztea. Zero arrisku.

Antolatzaileak eskubidea izango du ibilbidea aldatzeko, irteera-ordua atzeratu edo aurreratzeko, eta probaren eguna aldatzeko edo bertan behera uzteko, igerilarien segurtasuna bermatze aldera.

**Ibilbide alternatiboa:** itsasoaren egoerak proba itsas-zabalean egitea eragozten badu, ibilbide alternatiboa egingo da Malkorbe hondartza aurrean kokatuko diren buien bidez. San Anton mendiak naturalki babesturiko zonaldea da berau.



## **SEGURTASUNA**

### **DEBEKUAK**



Probak irauten duen bitartean, portuaren sarrera eta irteera itxita egongo da. Horretarako, probak irauten duen bitartean nabigazioa debekatuta dagoela adierazten duten kartelak jarriko dira kirol-portuan. Debekua bete egiten dela eta igerilarien segurtasuna ziurtatzeko, antolakuntzaren ontzi bat egongo da portuaren irteeran.

### **PROBAREN JARRAIPENA**

Aipatutako ontzi horretaz gain, igerilarien segurtasuna bermatzeko, antolakuntzaren bost ontzik eta uretako bi motorrek jarraituko dute probaren ibilbide osoa.

Horrez gain, piraguak eta padel-surfak egongo dira ibilbidean, igerilarien ondoan, bide osoan zehar.

Probaren jarraipenerako bi arduradun nagusi egongo dira, lehorreko arduradun bat eta itsasoko arduradun bat. Biak Getaitri klubeko kideak izango dira.

### **ASEGURUAK**

Probak erantzukizun zibileko aseguru bat kontratatuko du, partaide guztien segurtasuna bermatuko duena.

### **ZERBITZUAK**

#### **ZERBITZU MEDIKOA**

Zerbitzu medikoa Gurutze Gorriko eraikinean egongo da, hau da, helmugan. Gurutze Gorria izango da zerbitzu horren arduraduna.

Itsasoan ere Gurutze Gorriko kideak egongo dira, uretako motor eta motordun ontziekin.

#### **DUTXAK**

Parte-hartzaileek dutxa-zerbitzua izango dute Getariako hondartzetako dutxetan.

#### **HELMUGAKO ANOA**

Parte hartzaile guztientzat helmugan anoa izango da. Sari banaketa amitzen denena parrillada egingo dugu.

## **ZIGORRAK eta AZKEN AIPAMENA:**

Antolakuntzak edozein zigor jarri ahal izango du frogaturiko edozein irregulartasunen aurrean. Ez da inor deskalifikatuko ordu eta 30min baino gehiago behar izateagatik itsas zeharkaldia bukatzeko. Hala ere, antolakuntzaren aldetik, segurtasuna bermatu nahian, aipatu dugun denbora betetzeko kapaz ikusten ez denari, parte ez hartzea aholkatzen diogu. **AZPIMARRATZEARREN, “D” PUNTUA KONTUAN IZATEA AHOLKATZEN DUGU.**

Hurrengo materialak debekatuta egongo dira:

- Tirak, “tape” edo tankerakoak.
- Erlojuak.
- Eskumuturrekoa, lepoko edo tankerakoak.
- FINA araudia betetzen ez duten bainujantziak (trajeak).

Erreklamazio guztiak bakarka aztertuko ditugu.

- A. Neoprenoarekin igeri egitea debekaturik egongo da uraren tenperatura 20 gradutik gorakoa bada. Hautazkoa izango da 18-20 gradu bitartean badago eta derrigorrezkoa izango da 18 gradu azpitik badago.
- B. Sorbaldan eta omoplatoan dortsalaren zenbakia markatzea ezinbestekoa izango da.
- **D. Antolakuntzak ohartarazten du proba honek bere gogortasuna duela eta ur irekietako itsas zeharkaldiak dauzkaten arrisku guztiak dituela, hori dela eta, prestakuntza egokia izatea eskatzen da. Baita osasun egoera zuzena izatea ere. Beraz, duintasunez bukatzeko gai ez direnei izena ez emateko aholkatzen da.**
- E. Antolakuntza exentua geratzen da zeharkaldiak partehartzaileei eragin diezaioketen kalte eta erantzunkizunetatik, beraiek izanik izena ematerakoan bere buruaren arduradun.
- F. Araudi honetan aurreikusten ez dena GIF eta RFEN-aren Ur Irekietako lehiaketetako araudian azaltzen denarekin eta FINA-ko ur irekietako araudi ofizialarekin beteko da.
- G. Sailkapeneko datuetan (izena eta abizena) zein komunikazioko edozein arlotan (argazkia) bere pribatutasuna mantendu nahi duen orok, jar dadila harremanetan antolakuntzarekin.